

清

詞

綜

3

北京圖書館出版社



清 詞 綜

3

北京圖書館出版社



清詞綜目次

國朝詞綜四十八卷附二集八卷

(清)王昶撰

..... 一冊一頁

國朝詞綜續編二十四卷

(清)黃燮清撰

..... 四冊一頁

清詞綜補五十八卷

(清)丁紹儀撰

..... 五冊三六七頁

國朝詞綜卷三十八

青浦 王昶 纂

汪 棣 十五首

蔣士銓 一首

彭光斗 二首

畢 沅 一首

吳泰來 十六首

王文治 一首

曹仁虎 三首

儲秘書 十首

汪爲善 一首

陸錫熊 一首

汪

棣

字韓懷號對琴江都人監生官

刑部員外有春華閣詞二卷

黃唐堂云對琴詞如入武夷啖荔枝鮮美獨

絕又如饌設江瑤柱與羣殺錯迥別 陳玉

几云對琴以餘事爲長短句清音亮節具體

樂笑翁而生峭之致與折之趣別自煎洗于

夢窓白石張漁川云對琴每於酒邊花下
閒作倚聲如聞空山琴語松下幽泉使人不
復作塵想

洞仙歌

思量不起只合懽騰去隊隊飛來燕鶯侶向花前指點
暗裏流光一時把萬斛愁腸付與闌珊春事盡紫筍
紅櫻寥寂無人共樽俎且聽畫闌西翠幄初濃隔小苑
歌聲一縷更遣我深宵夢魂孤還獨卧池塘棟風梅雨
一翦梅

支枕簾垂到夜分風鐸無聲雨漏無聲思量往事夢難
成淺笑分明低語分明檀几焚香睡鴨清濕露閑庭

細草流螢更闌獨自下階行月影亭亭人影亭亭

高陽臺

雨洗梧階蛩吟莎徑一庭涼露蕭蕭倦意孤懷裊雲沉
水無聊枕函空作雙鴛夢縱牽情容易相拋醒猶憐舊
日經行柳外紅橋祇拚杯底消愁緒却愁多對酒半
晌難消閑度征鴻紛紛木葉齊飄打鐘掃地平生願念
疎狂勝侶誰招莫推窗冷月關情又挂林梢

南浦

迴憶金陵寓樓並寄姚宋邨吳恒齋史蘭浦
凌裕圃吳竹嶼王述庵嚴水西

孤月最關情記秦淮曾共圓輝如綉疎樹晚棲鴉重簷
下風榭半開人倦歌成引酌白頭青鬢絲絲見只少琵琶

琴紅袖撥不似小庭春院 今宵薄袂寒侵忽迢迢感
舊懷人難遣何減對嬋娟離闌外簫鼓畫船聽遍夜潮
纔減斷橋幾曲縈秋怨除了垂楊飄渡口殘壘冷烟誰
念

八聲甘州

幼讀韋左司詩對琴無一事新興復何如二語心最賞之屬友爲圖并綴此曲

念浮生難拂是愁襟誰與繪空林更巖几香清石牀甌
冷閑喚秋禽幽意忽成雅曲箏笛遜鳴琴獨立凝眸處
薄靄輕陰 往事垂虹詩老有小紅簫底掩袖微吟却
聲希韻淡別趣冷遙岑歎年年燕昏鶯曉惹愁腸那似
砌蛩深還須仗冰絃玉柱一奏清音

掃花游 酬述庵

關河素侶共幾度高歌驀然重見綠牕未遍正冷閉青
瓊地幽塵遠細數心期屢仗空江孤鴈入經苑羨研討
典章閑意傾款 掄袂寒亦淺想百尺堯峯凍容初展
松鱗逕蘚問游情可入翫春吟卷却異停車坐愛霜紅
遠岸何當伴向山城暮聽離管

清平樂

銀蟾當戶暗把更籌數今夕留歡須小住待看牽牛花
吐 從教清怨成塵事如春夢無痕寄語莫拋團扇歌
時曾障朱脣

買陂塘

滬城別趙璞函

向西風問伊何事吹殘江滸黃葉騎懷獨倚銷魂甚況
復翠尊難別歌乍咽歎握手無多又鼓吳娘機階蛩響
切便剪燭筠牕聯牀不寐相對也愁絕 絲絲柳妝點
津亭行色無情翻被攀折琴歌酒頌渾閒事那更子規
啼血涼露裏記白下分箋逸興猶能說兩心如結縱尊
菜鱸魚一番拋去千里共圓月

綺羅香

碧浪吹衣涼雲映幕猶記那回芳艷水驛騎魂驀地輕
盈如見伴孤棹冷雨疎烟盼高城嫩鶯雛燕恨雙魚只

素無憑小橋偏隔暮湖淺 西泠游徑未遠襟上酒痕

依舊年時難辨斷送黃昏甚處玉簫哀怨縱謝娘眉嫵

重逢早潘令鬢絲難免料昨宵獨倚妝樓望窮帆影轉

西子妝

過深柳堂桐城姚朱邨有詩紀游因賦此

水影浮梁入聲古晚疑盼忽增吟興牆陰曲曲掩雙扉
問何年菊楓三徑凭闌瀟茗却閣下鷗眠正穩短籬正
甚垂楊能繫迷離紅影 從君聽鶯地心清隔院泠泠
磬冶春都覓玉鉤斜綻官梅踏殘寒嶺憑誰問訊城南
路烟光乍冷更蕭蕭遠浦叢蘆欲暝

渡江雲

瓜洲放舟

孤城吹曉角夜殘海日剛照一帆懸風流傳往事猶自
山門玉帶說當年雲開浪白又依稀瘞鶴灘邊須乞取
蒲桃京口吟望好江天 慨然南徐重鎮北府雄兵甚
烽烟銷盡空賸得霜沉法鼓雨滴寒泉隔船莫作桓伊
弄怕感懷今夜無眠情緒惡淒音絕似啼鵲

琵琶仙 金閨晚泊

斜日揚舲堞樓下一帶荒涼吳苑珠幌猶蔽何鄉秋空
片雲卷風漸急橫塘乍渡便穿入虎山西崦野草低迷
寒鴉下上渾是淒怨 看胥口波面靈旗未輸爾鴟夷
五湖遠無限亂山銜碧閃烟檣斜展排多少荒臺廢館

只望中破楚門鍵料得遙夜鐘聲夢回難遣

瑣窓寒

蘭浦天才淹雅而賁志於歌詩飲酒春橋
暨余與之同寒燠者二十年真不禁人琴
之感長源諸君其同鄉石友也偶填一解
誦則酸鼻爰倚聲和之

淡月閑窓微塵客館舊高吟處低徊欲往忍過桐陰疎
樹記年時白門弔古幾回夢斷鍾山渡算青蓮逸興樊
川冶思尙存前古休訴離悰苦更何地荒雞夜中起
舞襟期相許却全爲鶯花驕悞祇空留陽羨淚痕沉淪
一壑風烟句怕再逢琴榻茶鐺小庭同嘯侶

湘月

平山堂探梅同玉井璞函

踏春已近却琴樽勝侶同放烟艇水暝風微欲瘦石一

樹繁花斜映玉淑人遙雕闌鑰局不辨檀欒徑鬢毛都
改艣搖偏動孤興堪笑枯寂禪關高燒樺燭寫迷離
疎影閣外流雲更吐出圓魄晶瑩如鏡度鶴深松敲鐘
短壑叉手縈清聽漁簑三兩空明露下歌冷

瑣牕寒

杭葦浦屬題青山送別圖

水咽離聲峰含怨態峭帆初去斜陽黯黯那待塔鈴吹
雨望空江楓丹蘋白驛樓迴被縉雲護怪閒眠點點牽
情都到晚汀鷗鷺還覩年華暮却別壑梅藏平湖月
吐夷猶歸櫂不盡西冷幽趣肯回思燭冷樽空寂寥兩
地高陽侶但孱顏一縷孤烟遠繞南徐樹

蔣士銓

字心餘鉛山人乾隆二十二年進士官編修有銅絃詞二卷

邁陂塘

題述庵先生三泖漁莊圖

放先生鸞臺鳳閣如何夢繞烟水九峯三泖空濛極移
入輞川圖裏還細指看一桁斜陽網挂魚鰕市釣師樓
底怕欄外沙奔檻邊湍落鷗鷺暗驚起 蒼茫外何處
汀湄沙觜輕帆葉葉如駛誰歟管領江湖者讓與蘆汀
窮士君莫擬渾不放大魚東海揚鬚尾御溝波瀾且斫
膾蓬池釣鰲瀛島豈必食河鯉

城頭月

中秋雨夜書家信後

他鄉見月猶淒楚天氣偏如許一院蟲音一聲更鼓一

陣黃昏雨 孤燈照影無人語
默把中秋數桂萼華年
更番離別九載天涯度

彭光斗

字賁園溧陽人乾隆二十四年舉人官知縣有越游草一卷

漁家傲

九日喜晴登鳳凰山

九日年年風復雨天教破例勾除去潑眼晴光遮不住
吾誰侶湖山好做登高主 紫菊丹楓俱照路僧樓倚
遍頻延佇漠漠蘆花翻遠渚斜陽渡背人冷雁投何處
浣溪沙 錫山楊子蓉裳年少才艷友人攜其吟翠軒稿示我率填一闕以誌傾倒楊名芳燦
錦瑟新詞寶劍篇文人俠骨美人禪
翩翩白袷正華年
一名重肯如泉第二才奇非藉賦盈千 楊子雲云不賦千賦不能賦

其誰載酒草亭邊

畢

沅

字湘蘅號秋帆鎮洋人乾隆二十二年
賜進士第一官至湖廣總督加太子少保

渡江雲

送嚴道甫歸金陵

十年三話別灞陵踏雪纔過落鐙時擁鑪寒料峭欲去
頻留屋後馬長嘶離愁飽慣到今宵怕說將離誰遣此
金尊紅燭雙鬢已成絲垂垂秦淮柳色綠似青門任
春風自吹待再來環香吟閣秋以爲期記曾同掬天池
水怎回頭仙夢都非人去遠蓮花共予相思

吳泰來

字企晉號竹嶼長洲人乾隆二十五年進士
二十七年召試賜內閣中書有曇香閣

琴趣

二卷

國朝詩集卷三十一
蔣西原云企晉水月方清雲嵐比潤偶作詩
餘亦是蘇門長嘯

鳳棲梧

江梅次盡紅樓閉楊柳多情也爲春憔悴燕子來時人
未起梨花小雨重門裏夢斷青溪傷往事桃葉桃根
多是淒涼意一點相思誰與寄羅襟留得東風淚

天香 龍涎香

珠舶春迴瓊屏夜扃依稀千點輕杵似搗薇花還栽焦
葉好向紫囊深貯流蘇斗帳知幾度春愁添炷記得相
逢半醉黃昏畫簾微雨而今賦情老去擁篝衣淚痕
疑聚翠被夢寒江漲小橋無路裏問吳家舊譜但一榻